

國王子母幹撒子的兒沙來朝奏父拜里迷蘇

詔嗣爵

甲午都督費璵劉江俱充總兵官璵鎮守甘肅江鎮守遼東
乙未伊王極薨王母麗妃葛氏國洛陽好武不能官居喜負
創馳馬有犯轡者手斬之血濺王衣王則好衣其血濺者平
居髡裸男女雜坐之謚曰厲

丙申鎮守交趾右軍都督同知韓觀卒觀字彥賓虹人故帳
前總制親兵左副都指揮使成之子襲廣西衛指揮僉事陞
陝西都指揮使夙諳武事勁悍忍刻紀律嚴明軍中無敢犯


令者蠻寇數劫殺長吏觀捕獲必峻治之間遣一二歸、相
告語皆胆落不敢復寇召進召軍都督同知尋充右副總兵
開征五開蠻永樂初拜征南將軍歷鎮江西廣西四年從征
交趾九年復鎮賜祭賻及粟帛無子

黃金曰古有世將謂前後作述功烈相承史稱項氏世、
將家有名于楚彼趙括讀父書而不知合變卒致覆亡魏
是多矣若耿况弁之于漢李成愬之于唐曹彬瑋之于宋
皆其卓然者也韓成殺身濟難忠冠當世觀蓋盡瘁為國

功照父勲其不謂之世將乎哉其與馮穎公之

永樂十二年

六



共貫亦何多讓于古人也

丁酉道官按視寧夏甘肅大同遼東新築屯堡

閏九月甲辰右春坊大學士兼翰林侍讀黃淮徵至下獄既左
諭德兼侍講楊士奇司經局正字金問亦至命法司鞠治宥
士奇召問東宮事士奇頓首言殿下孝敬誠至凡所稽遲皆
臣等罪 上悅而罷行在諸臣奏士奇不宜獨宥一錦衣衛
頌繫之未几特出還職遂徵司經局洗馬楊溥為善相繼下
獄蓋金問詞引之

乙巳琉球中山王入貢

戊申交趾總兵官英國公張輔黔國公沐晟班師留兵五千
都指揮朱輝廖春領之

夜大星赤光燭地出雲中行至近濁


己酉夜金星犯左執法

丁巳賑江南崇明水災五千八百餘家米鈔賜復二年

甲子召鎮守大同江陰侯吳高還

丁卯都督朱崇充總兵官鎮守大同

月辛未朔監察御史金華鄭幹致仕 上以義門特賜勅宴



赤光燭地出太微西垣行至游氣中

二月命禮部給事中傅安等勅慰別失八里國王馬哈麻其
母及弟相繼卒也

癸巳夜大星青白光燭地出天園行至近濁

丙申監生張磐韓璽下謙陳諒為給事中崔顥為監察御史
江陰侯吳高前守大同多不法 上北旋興和稱疾不朝召
還道擾御史成務等劾之奪爵

丁酉戶科給事中朱紹謫監察御史
戊辰夜大星自柳入軫

十一月庚子朔廢晉王濟熿為庶人同世子美圭守恭王園初
王弟平陽王濟曠狠戾恭王弗愛王即位濟王追憾王不解
于恭王數使人誣王不軌故坐廢勅其閉門念舊杜絕外交
改過遷善以保令終慎之哉

郢王棟薨王母惠妃劉氏洪武二十四年封安陸端重簡靜
無子妃郭氏武定侯郭英女對鑑自形遺其女自經殉謚曰


靖

十三年錄四

去年水災

永樂十二年

六




光燭地出軒轅至太微西垣二小星隨之

甲寅諭行大翰林學士胡廣侍講金幼孜曰五經四書傳註
雖定群儒異同之說尚互可發明其採纂為大全書周程張
朱所著如太極通書西銘正蒙諸篇亦彙次之為性理書因
命舉朝臣及四方文學之士開館東華門外光祿寺給饌

劉鳳曰儒之為益于世豈空言無施之謂耶自昔王者無
不詳延相與博議于勳勳未集之日首風示天下知所遵
尚故太史公所稱功令務以教化成俗蓋即王者之首務
三代以下未始有易焉者然詩書禮樂之澤薦更壞亂及

整齊于散佚之餘師異教人異說益遠益踈故分裂為諸
家人自為疏固訓徵箋解道為天下散也久矣宋人者豈
能不藉前聞獨追古始出漢以來儒者外耶且者儒其所
為說皆拾之掌故弟子口相授命及坑燔之後所記憶十
才一二而已若孔甲矯疵申培公轅固生韓太傅高堂生
田生胡毋生複中翁之屬皆傳自商瞿子夏子張氏之流
而湮微燼滅存焉者蓋寡亦各守其師所授尚存孔氏之
予而宋人必盡以為駁而不純簡斥竄削屏絕之甚于

然每竊取其義勸說入之而遂皆謂自己出是



哉孔子曰是可忍也孰不可忍也則雖先古所
在師氏所守稍不愜也悟擊不暇顧是猶有可言者即朱
氏為易義皆顯竊王弼之餘而云罪深桀紂則盜儒者不
乃無罪耶使古之道遺几乎息矣其曰經解而倍經者往
往著于篇僻陋汚滯何以服往賢之心且使後來者杜口
不敢說則其狼懷自用不肯虛受千載為恨可勝言也晦
誣至于元不復以經義為事惟許衡氏吳澄氏稍潛心大
義有所考質惜其論說亦多守所聞不敢顯有同異若吳
氏之于禮及他儒于詩書易各有傳焉亦未嘗盡廢古也

特未自名其說信從者鮮及明興風示海內以專經業儒
始有所統一然未嘗令之必盡以宋儒為主永樂間諸臣
藉巧乃有所專而學者皆嗜于穀學且不敷而徒標取近
義彙括傳注口耳末學聲音咕嗶之未暇而况能淹諛猶
徹解心通誦貫徧識多聞于服鄭馬戴稍窺門戶一染指
于鼎知其旨哉甚非 上之所以重經術明教化之意也


仅月食

未頂天府尹張質卒貫靈璧人監生善治劇裁決無留

嘉湖水災田租四十七萬九千六百餘石初

永樂十二年

三



上曰不能賑又可征稅耶

工部左侍郎張信坐事謫交趾

乙丑靖江府輔國將軍贊億有罪廢為庶人徙于泗州

丁卯夜金星犯木星

十二月壬申設失兒兀赤衛女直野人

己卯諭禮部為皇太孫及諸皇孫選婚

己丑免直隸豐潤樂亭水災田租


辛卯行在刑部尚書朱濬卒濬故燕府長史朱復之子授引

禮舍人靖難時署北平布政司事永樂初進左通政三年遷

尚書賜祭葬

癸巳烏思藏尚師釋迦也失來朝

甲午置山後黃石崖莊窠澗等守禦增守口官軍各千人



國權

永樂十三年乙未

正月庚子朔上在北京受朝賀中軍帳皆同味於朕馬班不

辛丑勅諭天下來朝官曰朕夙夜圖治擢任賢能苟能盡心

脩職俾康兆庶天下未有不太平者也夫為官者以忠勤廉

謹為本以公正仁恕為先忠則不欺勤則不怠廉則不貪謹

則不肆公則不私正則不偏仁則不暴恕則不害毋謂民愚


而心實神毋謂朝廷可欺也而上天鑒之不遵朕言罪不赦

國權

永樂十三年


一

國家圖書館, NATIONAL CENTRAL LIBRARY, TAIWAN, R.O.C.



欽哉既復榜而申戒之午門之外天鑿之不盡歎言罪不姑
丙午塞居庸關以北潭峪等山口不暴怒限不害其節乃
丁未瓦剌順寧王馬哈木賢義王太平安樂王把禿孛羅貢
馬謝罪請朝貢如初許之不太平散少夫為言皆以出憐
戊申大寧都指揮使張忠卒忠鳳陽縣人封爵捐資盡心
壬子夜午門外燈山火有死者中軍都督同知徐州馬旺不
及避預之
甲寅命禮部給死者家鈔賜馬旺祭葬旺燕山中護衛百戶
從靖難累功 上甚惜之


丁巳勅皇太子敬天戒悉停各官進送物件
戊午遣監察御史吳文等分行天下察吏治詢民瘼有司貪
刺不律者執之闖冗老病悉送京師
勅內外諸司布寬恤之令
壬戌設保安州在居庸關外漢涿鹿地元奉聖州國初廢徙
其民
甲子行在戶部言漕運漸多請發民治倉上曰東作將興
其出徒流以下定等輸作
丙寅命豐城侯李彬鎮陝西忻城伯趙彞鎮徐州都督同知



曹得鎮德州都指使李任鎮彰德都指揮同知李晟鎮宿
州指揮使費瑾鎮真定指揮僉事凌錫鎮揚州都指揮僉事
施文指揮同知劉敬黃瑄鎮淮安諭曰爾等皆舊人寄爾腹
心夫財民心也不傷其財斯不失民心其各往勉之
夜有大星光燭地出梗河東北行入天厨
前交趾右叅議解縉卒于獄縉字大紳江西吉水人幼有夙
慧洪武戊辰進士授中書舍人金華唐吉士嘗從大庖西草
封事上數稱竒才諸大臣皆忌改御史予告上崩入臨
劾其違養謫河州衛吏董倫薦之入翰林特詔上即位擢

侍讀直文淵閣進翰林學士兼右春坊大學士以阻漢王高
煦及交趾事見忤出叅廣西再改交趾徵下獄高煦使獄吏
醉埋之雪中死或曰上意也籍縉家妻子徙遼東翰林簡
討永福王偁宗人府經歷高得暘右春坊右春允兼翰林脩
撰李賢左贊善兼翰林編修吳縣王汝玉編修朱紘簡討蕭
引高等皆相繼獄卒縉才高志銳詩文雄宕偁等咸後進工
文相引重遂被以輕薄名悲夫


廖道南曰高皇帝網羅英俊智詘群策當時翊運諸臣
親如善長貴如廣洋惟庸近侍如安如濂如觀如素雷霆



所擊罔不震懼縉以一少年上庖西萬言批鱗逆心罔所
顧忌而聖度優容令其進學才難之歎猶可想見其規模
真宏遠矣召旋河隴踐歷清華密贊建儲有故老舊臣所
不及知卒罹于讒莫之敢白悲夫
羅洪先曰方高皇帝揮斥英雄濯拭宇宙此何時也而
公未弱冠天眷獨隆成祖之初契符魚水觀其應制寓
諷封事犯顏有鄭公之正乳免朝貴敝屣爵位有方朔之
奇忤權蹈危投救勵節有太白之邁保儲忘身徙家戍邊
有東之烈是果積累得之否乎即使有歟于聖賢亦當

不失為豪傑何相其才固自殊也世之知公者淺類以詞
翰賞之至論生平莫定題品仁廟嘗曰人言解縉狂縉
非狂士嗚呼非日月之明哉
林之盛曰解公之善悟主也始言太子之仁孝以動之而
繼言太孫之穎異以堅之據以正法感以至情真得靖獻
之謨者不然以漢王之武兼之以功文皇帝深喜其類
已而諸臣又左袒之百喙不能移者而何片言立移捷若
轉負乎有是哉解公之善悟主也

吳中行曰公負奇氣抱雋才歷踐清華力抗權幸早遇聖



明晚罹讒毒殆勿究其用者與或蘊之未深而銳者易折也君子蓋惜之矣
何喬遠曰解縉年少通達不減賈誼至其直言如魏徵矣縉與蹇夏三楊並有翼儲功有口不密幾之不作以及于禍蹇夏三楊終用謹重蒙寵縉身後之典亦稍靳焉
劉鳳曰吳稱文學自言游始後乃盛海內然初之能紹者汝玉兄弟實先之雖不善終亦由傳會能以其文進用被眷良厚有名稱于時顧不為資適逢世得當哉逮其友也
一由于文、適庸乎竟以名敗故亦安費名也 王汝玉

袁表曰以解公之才而受知于高皇帝及文皇帝不數年遂參鈞軸不可謂不遇矣然卒以幽死甚矣讒人之罔極也夫以賈生之通達國體遭遇漢文竟困于絳灌廢死長沙天乎人耶觀解公所論奏皆明切可施行當世其所論群臣優劣十不失一何其知人之哲也嗟乎賈生之所謂輕薄即縉之所謂狂也語曰高才不達直木先伐信矣哉又何足怪乎


二月己巳朔浚江南瓜洲壩河

壬申和寧王阿魯台貢馬

國權


永樂十三年

五



癸酉遣指揮劉斌給事中張磐等一二人分往山東山西大同陝西甘肅遼東督視軍士操練屯種
甲戌翰林脩撰梁潛王洪主行在禮闈
癸未置兩京城門郎
交趾總兵官英國公張輔黔國公沐晟等入朝
甲申立北京馬神廟
丁亥陝西都指揮同知劉昭為都指揮使初昭等使烏思藏還至靈藏莽站值番賊敗之故授官有差
戊子賞交趾功左軍都督同知朱廣為左都督中軍都督僉

事江浩山東都指揮使方政為都督同知叅政左軍其餘遷秩有差
巳丑渤泥入貢
監生李哲張溫王延陶珩郝珩張禮李欽李禧劉穆董榮王敬身李瀚等為給事中李素為監察御史
庚寅免江南興化金壇水災田租
甲午顧興祖嗣鎮遠侯 顧成之孫顧統之子
乙未釋工作囚徒四千九百餘人初輸作贖罪多脫亡有司請捕之 上曰必其空乏遂命見役者俱還家期秋後赴工



令下有不願去者七百餘人 上併盡釋之

丁酉復刑部尚書劉觀官先坐事謫本部吏

賑直隸河間縣饑民從主簿陳聚之奏

戊戌仍許西番以馬易茶

三月己亥朔廷試貢士洪英等三百五十一人于奏奉天殿賜

陳循李貞陳景著等進士及第出身有差

辛丑復工部右侍郎許廓山東左叅議魏瑛官先罰北運

壬寅貴州左布政使蔣廷瓚等率宣慰郡縣官民等來朝貢

馬一百匹黃蠟一千斤水銀四百三十斤砂硃三十五斤

癸卯試下第貢士得朱瑛等二十四人賜冠帶入太學

皇太子遣監察御史瘞畿內暴骸

丙午廣西都指揮同知葛森討平武宣等縣蠻寇

丁未貴州左布政使蔣廷瓚言去年北征班師詔至思南之


婺川縣大岩山有聲呼萬歲者三禮部請賀 上以山谷空

應常也不許

甲寅撒馬兒罕入貢

丁巳選翰林院庶吉士洪英王翺林文結宋魁陳鏞曾弘林


通節胡觀章文昭嚴珊金閔王瑛鄭珞袁璞周崇厚習侃鄭



雍言年倫呂棠張益黃仲芳廖謨宋琰朱昶范琮黃瓛陳文
璧高穀張堅沈暘又譯書王懋姚昇胡清方勉林超曹義龔
英時永彭麟應陳坤奇李芳葉穎王士章吳紹生丁毅石玉
黎民張遜萬完周貴連智王諭樊敷王麟戴觀許彬徐景安
石慶鄭猷李冠祿周安謝輝
琉球中山王世子他魯海入貢山南王汪應祖為兄達勅期
所殺國人誅之推世子來請封
戊午瓜哇國王楊惟西沙入貢都馬板改名曰楊惟西沙
山東按察僉事晏璧坐事戍保安衛


罷海運令浙西蘇常松江歲漕入淮安倉鎮江盧鳳淮鳳淮
入徐州倉徐州兗州入濟寧倉今內河船于會通河以三千
艘支淮安轉至濟寧以二千艘支濟寧轉至通州其天津通
州等衛派官軍于通州轉至北京又浙直湖廣江西除存留
及餉南京外撥二百五十萬石令民舟運赴北京通州河坐
西務蓋軍民半之

邱濬曰海運之法自秦有之而唐人亦轉東吳梗稻以給
幽燕然以給邊方之用而已用之以足國則始于元馬初
伯顏平宋命張瑄等以宋圖籍自崇明出海入京師至元



十九年始建海運之策命羅璧等造平底海船運糧從海道抵直沽是時猶有中漕之運不專于海道也二十八年立都漕運萬戶府以督歲運至大中以江淮江浙財賦府每歲所辦糧充運自此以至末年專仰海運矣海運之道其初自平江劉家港入海至海門縣界開洋月餘始抵成山計其水程自上海至楊村凡萬三千三百五十里最後千戶殷明略又開新道從劉家港至崇明州三沙放洋向東行入黑水大洋取成山專西至劉家島又至登州沙門島于萊州大洋入界河當舟行風信有時自浙西至京師

不過旬日而已說者謂其雖有風濤漂溺之虞然觀河漕之費所得蓋多故終元之世海運不廢今漕河之通利歲運充積固無資于海運也然善謀國者恒于未事之先而為意外之慮會通一河譬諸人身之咽喉也一日食不下咽則立有死亡之禍迂儒過為遠慮請尋元人海運之故道別通海運一路與河漕並行江西湖廣江東之粟照舊河運而以浙西東瀕海由海通運使人習知海道一旦漕渠少有滯塞此不來而彼來是亦思患豫防之先計也乙丑故山東按察僉事楊紳成邊至是起北京監察御史



四月戊辰朔英國公張輔為征夷將軍充總兵官鎮守交趾

壬申設交趾葵州隸演州府茶龍玉麻二州隸又安府

甲戌夜大星青白光出大角流至雲中

丁丑設府軍前衛親軍指揮使司上既選幼軍隨侍皇太

孫至是置官屬

以順天真定永平滄州盧龍潯水賑之

甲申兵部尚書兼詹事金忠卒于南京忠浙江鄞縣人負氣

道善卜隨兄成于通州居住靖難初召見稱旨署紀善後署

長史屢決籌策上即位拜工部右侍郎贊守北京亡何召

長兵部雖卜起家博覽史籍善設論初議建儲合上旨知

無不言退未嘗泄時密令察事多為解釋處君臣父子兄弟

之間調護猜嫌君子難之歸其喪賜祭塋復其家洪熙初年

追贈少師謚忠襄


何喬遠曰金忠雖卜士躋位文臣功名已極人固不可以

無學亦一時長者也

丙戌琉球國中山王思紹山北王攀安知並入貢上表朝賀

吏部左侍郎陳洽為兵部尚書命仍往交趾叅贊軍務

丁亥占城入貢方物



中軍都督同知曹得孫勇為金吾左衛指揮使僉事

庚寅定交趾召商金銀錢中益

辛卯賑浙江桐廬西安等縣穀萬三千四百五十石有奇

樂城教諭郭履以諸生無登科者成雲南子貢士魯乞代役

上憫之復履教諭

甲午貸河南嵩縣貧民粟一千一百一十石有奇

丙申撤馬免罕貢馬

五月丁酉朔日食

辛丑午節上御東苑觀擊毬射柳賜文武群臣鈔有差文

臣以詩進加賜酒席

己酉行人陳季等芳往封琉球國中山王他魯每

汪應祖之世子

鎮守安徽滁州都指揮同知劉鑑為前軍都督僉事

築開平沿邊斥堠山海五所軍隸之

辛亥許臨洮鞏昌稅糧轉資肅州

壬子夜月食

丙辰設四川上中兩部衛頭目掌巴伯為指揮使


丁巳勅漢王高煦出居山東青州

戊午裁河東陝西鹽運司之河東分司

國權

永樂十三年

十一



辛酉運甘肅平涼慶陽粟五十萬石于寧夏甘肅備餉

壬戌順天府丞甄儀為府尹

甲子賜進士出身李九疇趙貴和張誠為監察御史

乙丑開江南清江浦河道初漕舟自淮安陸輓渡淮以達清

河平江伯陳瑄以父老言淮安西管湖僅二十里直清河遂

鑿引以入淮

倭入金山衛指揮同知侯端出東門入城巷戰殲之

六月丙寅朔夜大星出自太微西垣行至近濁有一小星隨之

戊辰刑部尚書劉觀改都察院左都御史

丙子夜月犯心宿前星

戊寅順陽王有烜薨謚懷莊

庚辰戶科給事中胡安有罪戍邊

甲申除山西遼州水災田租三十餘頃

己丑復中軍都督郭義官

辛卯設董卜韓胡宣慰使司頭目喃葛為宣慰使給銀印

壬辰楚府教授烏濬為禮科給事中擢陳羽為刑科給事中


是月北京河南山東大雨水臨清州為尤甚命亟賑之

七月丁酉諭行在左副都御史李慶曰灤州知州何敬代州同

國權

永樂十三年

十一




安損武清知縣李潛皆殘吏已置法備錄所犯榜天下以警
民牧

癸卯太監鄭和還自西洋

何喬遠曰 太祖既平定天下詔諭諸夷諸夷君長或使
或身悉隨使者來朝貢則高麗日本大小琉球安南真獵
暹羅占城蘇門答刺西洋瓜哇彭亨百花三佛齊淳泥允
十五國臣服最先而最恭順 太祖作祖訓列諸不征且
示毋勤遠略之意既則撫綏懷柔令其三年一朝國王嗣
立世見而已 太祖之言曰地廣非久安之計民勞乃易

變之源斯謨訂矣已而日本通胡惟庸不軌乃命絕之惟念
北、為元餘孽時、繫心遣將剷絕窮追之乃已至其嚴
邊尤厯晚歲 成祖有天下遠慕唐宗賓服內夷之盛近
繼 太祖係心胡元之切北征犁庭于斯為烈西戎之夷
吏部員外郎陳誠銜命往使歷國十七首尾往返者數于
是降胡達軍盡居內地酋長部領悉署官封至夫才具可
用誠心足託者往、爵之公侯布在左右雖至掖庭內宮
亦有外夷之女所以示招徠之大明鞭撻之威也海中諸
國則命黃頭二萬望日占風指鍼墮墜緯無一不致與是



功者即非斬首選法不得減草蓋太監鄭和與王景弘侯
顯輩領之有歲當是時四夷君長執贐獻琛頂踵相望賜
宴之日有忭舞天日稽首闕庭歎未嘗有譯鞮之館充物
旁皇奕然壯觀矣然而往來使送接伴賞賚費亦不貲仁
宣之間氐羗之享如常昆夷之喙猶故迨正統以後東南
海上夷以波濤難航貢使漸稀而西北胡戎貪利賞賜增
人增賞莫可阻遏我惠漸薄彼信斯踈陵夷至于北下也
先之禍其時雖禽獸之心驚健難馴亦絲我無以應其求
且內武不張徒取空言威而怒之自是以往惟有朝鮮恭

順靡解餘皆聽其不時自至而我所捍禦專北下矣在南
日倭雖其狡黠善戰來有時也至觀交南終棄哈密煩圖
地廣難安民勞易變神聖之云置其然與

甲辰太監侯顯等使榜葛刺諸國


乙巳四川戎山縣都掌蠻平初劫高瑛筠連慶符諸縣都司

右軍都督同知李敬合貴州都指揮李政討平之

己酉太白晝見

甲寅命武官杖罪以下繫獄而疾許出醫藥著為令

己未始召商中鹽北京納米喜峰口



庚申賑魏縣瑞昌永川射洪巴縣饑民粟二萬二百石有奇

癸亥山東布政使左叅議魏瑛瀆倫磔于市

八月丙寅四川永寧縣進嘉禾

增行在行太僕寺卿少卿各一寺丞八時八京軍民多馬

戊辰勅遼東總兵官都督劉江慎備如倉卒寇至不失有失

庚午唐王極薨極母賢妃李氏永樂六年就封敏而蕩年三

十謚曰定

戊寅旦壽星見

庚辰賑順天河間大名真定東昌濟南兗青南陽河南汝寧

開封衛輝彰德懷慶饑民

甲申蔚州衛進白兔

丁亥賑河南新寧等五縣饑民

庚寅夜太白犯房宿

辛卯保安衛進嘉穀

壬辰遼東金州衛綿虫傷稼

甲午夜大星出壘壁陣行至近濁


是月大城武強河決傷稼免田租

九月丁酉夜熒惑犯靈臺上星

國權


永樂十三年

十五



庚子湖廣按察副使朱仲安改交趾
壬寅蘓門答刺國王宰奴里阿必丁入貢初太監鄭和使其
國前王弟蘓幹刺謀篡位率眾邀殺官軍擊擒之以歸至是
俘至誅于市
癸卯古里柯枝喃渤利甘巴里滿刺加諸番國入貢
夜熒惑犯上將
戊申占城貢獅群臣請賀上曰元順帝時西都桑菓葉皆
五色黃龍文嘉禾有一莖至八穗者五色雲常見朕與卿等
祇敬無怠而已

行在翰林院庶吉士陳用劉永清陳璲黃壽生余學夔錢習
禮為檢討
已酉五經四書大全及性理大全書成纂脩官翰林學士兼
左春坊大學士胡廣右庶子兼侍講楊榮右諭德兼侍講金
幼孜脩撰蕭時中陳循編脩周述陳林全誌李貞陳景著檢
討余學夔劉永清黃壽生陳用陳璲五經博士王進典籍黃
約仲庶吉士徐順禮部郎中王羽兵部郎中童模禮部員外
郎吳福行在刑部員外郎吳嘉靖禮部主事黃裳刑部主事
段珉洪順沈升章敬楊勉周忱吳紳廣東道御史陳道潛大



理寺評事王選太常寺博士黃福行在國子博士王復原御
醫趙友同泉州教授曾振常州教授廖思敬蘄州學正傅舟
大庾教諭王進濟陽教諭杜觀善化教諭顏敬宇常州訓導
彭子斐鎮江訓導劉季安上親序之臨海陳璣嘗曰始欲
詳緩為之後被詔促成諸儒之言間有不暇精擇未免牴牾
虛心觀理自當得之不可泥也
癸丑浙江治水左通政趙君任言蘇松常杭嘉湖歲登上
以君任好佞遣驗視之
夜月犯司怪南第一星

甲寅夜月犯井宿

庚申免北京山東河南水災者徭役一年

壬戌北京地震

十月乙丑朔交趾叛寇陳月湖伏誅初月湖糾合清化磊江蠻


作亂英國公張輔進討至赤土縣擒之餘黨就戮寇遂平

夜太白犯南斗魁星

丙寅令郡縣凡選發種田者能養馬悉除其罪

辛未夜熒惑犯左執法

乙亥塞關外各隘口戍之



庚戌夜大星赤色出室宿行至近濁

甲申 上獵近郊經白河念靖難時冰合濟師遷都督譚廣
特牲祭告


辛卯置忽魯愛渚冬河札真兀思哈里四衛

壬辰法司奏冒官糧者上怒命倖之刑科覆奏 上曰

朕過矣其如律


癸丑中官李達吏部員外郎陳誠等使西域還誠上西域記
歷哈烈撒馬兒罕俺都准八答商迭里迷沙鹿海牙右賓塞
藍渴石養夷別失八里火州柳陳土魯番達失干卜花兒九

十七國山川物產風俗悉備略曰哈烈一名里魯在撒馬兒
罕西南去嘉谷關萬一千一百里四面多山有西流之河東北
山方十餘里哈烈城在馬國主居城東北隅室壘而平方若
高臺無棟樑陶瓦中敞虛室數十地鋪氈羅寔戶牖扉刻繪
花紋金碧無君臣上下男女皆席坐趺坐國主衣窄袖衣及
貫頭衫戴小單刺帽以白布纏頭辮髮髻後國人尊稱之曰
鎖魯檀華言君王也國人之服與國主同制上下相呼皆稱
名相見稍屈身初相識則屈一足三跪以為大禮男女皆然
飲食無匕箸釀酒多用葡萄大宴會則亦設几案尊者飲下




人皆跪酒行則陳幣帛次珍寶又次金銀錢布坐間餘者撒
坐外左右執事競拾之皆大諠笑名曰喜錢市中交易銀錢
大小為三等國人成造而輸稅于國主國主記印焉不者不
得行市有征十取二有權衡無斗斛筭事者曰刀完有施行
國主與刀完直書紙上各記花押花押之制以金銀為戒指
鐫名焉國無法律傷人及死罰錢而已婚姻以姊妹為妻妾
男子髡首纏白布婦女知之居止相混喪則易首蒙以青赤
凡喪百日墓不棺囊瘞之不祀鬼神不祭祖宗祭宗祖則于
墓惟拜天擇日而聚拜無月朔甲子七日為一周班列大土

屋一人大呼則班拜每月二十日為祀齊至于月盡不敢飲
食暮乃食周月始食葷則聚眾植長竿懸葫蘆藏白鴿葫蘆
中躍馬射之射中鴿飛者為得采國中有通回、經者眾稱
之曰滿刺國主尊禮之城中置大土屋設銅器如古鼎周圍
數丈刻文器上游學子弟聚而習之若中國大學然若警報
則有急足持箭急足日走可三二百里蓋幼而習之其俗侈
其土沃饒多煖少雨土產有白鹽銅鉄琉璃金銀珊瑚琥珀
珠翠之屬多育蚕善為紉綺木有桑榆柳槐松檜柏楊果有
桃杏梨李葡萄石榴穀有麻苴菽麥獸有獅子豹虎良馬牛




羊雞犬獅子生阿木河蘆林中初生日閉七日而開明養馴
獅當閉日時取之撒馬兒罕在哈烈東北去嘉谷關九千七
百餘里去哈烈二千八百餘里地寬平土壤膏腴有大溪遶
城東北流城廣十餘里開六門其北有子城國主居城中居
室稠密西南諸番之貨輳錢用其國造禁酒屠牛羊者瘞血
城東北隅亦為土屋拜天鏤青石為屋柱中置講經壇經皆
泥金書護之以羊皮其人物秀美工巧過哈烈風俗土產與
哈烈同俺都淮在哈烈東北去撒馬兒罕千三百六十里城
居大村周十餘里人民繁庶風土物產亦與哈烈同哈烈之

屬國也八答商一名八里在俺都淮東北城周十餘里居平
村其南近山食物豐饒西南諸番人亦聚而市貨焉哈烈之
屬國也迭里迷在撒馬兒罕西南去哈烈二千餘里城在阿
木河東岍城南居民數百家孳畜蕃息河多魚河西多蘆外
怵獅子產處也沙鹿海牙在撒馬兒罕東五百餘里城在小
岡廣數里西北臨河名火焰水勢衝亟有浮梁渡舟其南近
人居依崖谷多園林西行過一大川二百餘里無水間有水
多鹹地生臭草莖高尺餘枝葉如蓋煮其夜成膏阿魏也又
有小棘叢生可一二尺葉細如藍秋露凝其上如珠食之如




錫採而煮之名達郎右賓塞藍在達失干之東去撒馬兒罕
千三十里城周二三里平遠深蔚多居民盛五穀秋夏之交
蜘蛛生草中黑而小啞人通體皆痛掃以薄荷擦以羊肝誦
經一晝夜乃愈而膚竟盡脫傷六畜則多死止宿傍水可以
避之渴石在撒馬兒罕西南約二百六十里城居大村周十
餘里環城多水田南北近山西行數十里俱小山多苾思檀
果樹又西行三百餘里有大山石峽出其中高數十丈若斧
截峽口有門曰鉄門關通西南之路養夷在塞藍東三百六
十里城居亂山門東北有大溪西北入大川行百里多荒城

其地界別失八里蒙古部落之間別失八里沙漠地也馬哈
麻王子居之王子者元餘裔無城郭宮室隨水草畜牧而已
其王戴小罩刺帽簪鷓鴣翎衣禿袖衫削髮貫耳婦女裹白
纏項衣窄袖衣以肉酪為食乳湏代飲米若麩時用而已間
種稔麥織毛巾為衣有松檜榆柳細茶梧桐六畜之屬羊馬
最寒山谷中伏暑尚霜雪人性獷戾無君臣上下其國人云
東連哈烈至撒馬兒罕故疆也今西至脫忽麻北接瓦刺東
南抵于闐河端于闐有河產玉有地名哈石寶石金銀之所
出火州在柳陳西七十里城北近山地多熱山青紅若火故



名火州城方十餘里多僧少民東有荒城古高昌國治也漢
西域長史戊巳校尉亦居此今隸別失八里柳陳古柳縣在
火州東去哈密千里經一大川至其國地皆沙磧無水草道
旁多骸骨云人早暮獨行則鬼魅迷死之出大川渡流沙河
有山青紅如火焰山下城屹然廣二三里即柳陳城四面多
田園環遶流水樹木陰翳土宜稔麥豈麻桃杏小棗瓜蒟蘆
葡萄最多小而無核者名鎖子甚甘畜有牛羊馬駝氣候暖
其俗醇朴男子椎髻婦人蒙皂布髻垂額俱衣胡衣男子削
髮戴小罩刺帽者號回_者粒婦人白布裹頭號畏兀兒粒

方音皆用畏兀兒風俗大較同火州土魯番在火州西百里
即古交河縣之安樂城_者方一二里地平氣候暖少雨雪土
宜麻麥有桃李棗杏葡萄畜多牛馬城中有屋舍信佛法多
建僧寺其國在漢為車師在唐為伊西城西二十里有小城
名崖兒城_者中有新崖其下二水交流倚崖為城故名崖兒
城_者廣僅二里居人百餘家相傳故交河縣治又云古車師
國王所居也今土魯番有之鹽澤在崖兒城西南去土魯番
三十餘里城居平川廣二里居民百餘家城北有鏤山產石
鹽珠堅白可琢為器_者盛饌可以不和鹽故名鹽澤哈密




者諸胡往來要地也其北有山界瓦刺其西接火州等城其
城居平川周三四里開二門東有溪西北流地鹹鹵間有楸
香農種須糞壤種惟豌豆二麥人性獷悍與蒙古回、雜處
而禮俗異俗達失干在塞藍之西去撒馬兒罕七百餘里城
周二里居平原四外多園林果樹土宜五穀其民衆多負載
則任車牛卜花兒在撒馬兒罕西北七百餘里城周十餘里
居平川地卑下氣候和生菜冬食土產五穀桑麻絲棉布溫
牛羊魚天鷲雉兔俗殷富民戶以萬計
十一月甲午朔夜熒惑犯進賢星

庚子遣御史閱軍衛士卒械器

己酉琉球中山王貢使直往魯還福建奪海船殺官軍毆中
官坐誅宥其餘六十七人特勅諭思紹

辛亥勅周王橚肅王模晉王濟熿秦王志垣各遣護衛步騎
五千以明春赴真定操練陝西甘肅寧夏大同遼東及河
南山東山西陝西各都司中都留守司徐宿沂邳淮安揚州
武平歸德睢陽潼關諸衛選步騎明春赴真定德州操練候
比試于京師

壬子麻林國及諸番國進麒麟天馬神鹿諸物 上御奉天



門受之群臣稽首稱頌 上曰此皆 皇考威德卿等輔相
功繼今益勉之

己未賑廣東海陽潮陽揭陽等縣饑民

辛酉兵部尚書陳洽奏占城通陳季擴侵奪升華府地請封
之不許勅諭占城國王占巴的賴

夜大星赤光自參旗行入九游

壬戌榮昌伯陳賢卒賢安徽壽州人善騎射歷燕山右護衛
僉事從靖難封

十二月乙丑以四川磁州河災免田租

夜大星光青白出天社行至近濁


丁卯定北京十五丁以下養馬一十六丁以上養馬二箇佃
者不論丁七戶養馬一

戊辰免汲縣水災田租


勅寧夏總兵寧陽侯陳懋曰瓦剌馬哈木等候冬襲阿魯台
斯言雖未可信然須有備第勿輕戰堅壁清野上計也大同
開平遼東勅如之


夜大星光青白出下台行至近濁

己巳設美峪守禦千戶所隸保安衛




壬申免遼東定遼等衛水災田租
丙子許山東館陶南樂等縣鈔帛准租
丁丑遼東都指揮僉事徐剛捕倭而怯戍邊
己卯夜月犯軒轅右角星
丙戌貴州普安安撫司改為普安州領羅、夷民十二部
是月免浙江湖廣河南山東水旱糧芻







國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.







國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.





國家圖書館, NATIONAL CENTRAL LIBRARY, TAIWAN, R.O.C.




Inches 1 2 3 4 5 6 7 8
Centimetres 1 2 3 4 5 6 7 8

TIFFEN Color Control Patches


© The Tiffen Company, 2007

Blue Cyan Green Yellow Red Magenta White 3/Color Black

3393394 v.11



國家圖書館, NATIONAL CENTRAL LIBRARY, TAIWAN, R.O.C.





國權

二月丁亥... 藍官設選孺木著



永樂十四年丙申

正月甲午朔... 在北京受朝賀

癸卯韃靼... 不花等來歸授副千戶

夜月犯井宿鉞星

已酉賑北京河南山東等饑免其租逋停官買不急之務


永新伯許成擅杖工部主事王景亮被劾皇太子嚴戒諭之

已未免河南懷慶彰德去年水災田租


國權

永樂十四年

一



國家圖書館, NATIONAL CENTRAL LIBRARY, TAIWAN, R.O.C.



夜大星光青白燭地出游氣行至近濁旁有一小星隨之

庚申琉球國中山王思紹入貢謝遣使不謹之罪

辛酉行在中軍都督金玉為總兵官蔡福副之征山西廣靈

縣妖寇劉子進等子進嘗往石梯嶺值道人授刀矢能驅神

鬼糾眾作亂

壬戌夜有大星赤光燭地出太微東垣行至游氣中沒

癸亥復四川潼川蓬州西充南部安岳射洪蓬溪等縣益井

二月乙亥浙江布政使司右叅議李彬坐贓免死輸作

戊子中軍都督僉事徐膺緒卒膺緒中山王達幼子洪武中

授尚寶司卿五年改大同中護衛指揮僉事久之調金吾前

衛上進令秩質實無矯飾皇太子甚禮之

己丑夜大星光青白出漸臺東北行至近濁

三月癸巳朔長陵寢殿成奉安 仁孝皇后命趙王祭告

都督梁福充總兵官鎮守湖廣貴州

戊戌刑部左侍郎金純改禮部

庚子禮部左侍郎金純為尚書


壬寅和寧王阿魯台敗瓦剌獻俘命錦衣衛指揮徐晟往賜

綵幣

國權

永樂十四年

二



別失八里王馬哈麻從子納黑失只罕入貢告馬哈麻卒無子遣中官李達戶科給事中傅安往祭仍封納黑失只罕為王時欲脩怨哈烈各勅諭之

甲辰改趙王高燧國河南彰德漢王高煦居山東青州時高煦乞留侍左右不欲行上勅曰果能誠心留侍去年在此何決南還所言殆非實

辛亥翰林脩撰兼右春坊右贊善梁潛為侍讀兼如故編脩陳全為侍講起復太常寺少卿王勉庚申前貴州普安安撫使慈長有罪下獄初慈長侵營長黃


暹地奪民妻下布政使司按治之又率萬象園孟驥驥用計擒之獄死

四月癸亥朔夜有大星光青白出平星西南行至雲中

庚午貴州左布政使蔣廷瓚上言思州思南土軍二千戶所仍兼兵農許之

壬申禮部郎中祠祭周訥請封禪太山尚書呂震贊決上日聖經無文馬管子不足道也卿乃不及唐之魏徵

甲戌故北京行部尚書朱濬子紹祖為通政司右叅議乙亥翰林院庶吉士兼左春坊大學士胡廣為文淵閣大學



士右春坊右庶子兼翰林院侍講金幼孜俱為翰林學士
夜有大星赤光燭地出雲中五小星隨之

丁丑復設益養軍民宣慰使司初宣慰使刀木旦及長子思
樂發為緬甸土官那羅塔所殺司遂廢所部三千餘人散居
千崖金沙江至是授其次子刀得孟宣慰使從子玉賓宣慰
司同知

癸未夜有二大星青白光燭地一自文昌行至近濁一自南
斗杓行至游氣


定皇太孫婚禮儀仗如親王之制

五月壬辰朔暹羅國王子三賴波磨刺札的賴告昭祿群膺哆
羅諦利之喪遣中官郭文往祭詔封三刺波磨刺札的刺為
暹羅國王

甲午廣靈妖寇劉子進等平檻送一百三十五人誅元惡餘
悉成瘴地

丙申端午日一上御東苑觀擊毬射柳大賜羣臣宴自公侯
以下至衛士者民賜鈔有差

甲辰遣賑六安英山碭山蕭縣及浙江西安諸縣饑民
丙午設交趾各郡縣儒學及陰陽學醫學僧綱道紀等司



庚戌設交趾新安守禦千戶所

通政司右通政馬麟卒麟鞏縣人洪武中拜給事中建文初
坐事謫戍雲南上即位召復之進為兵科都給事中好訐
人嘗署兵部一日即見糾其訐少沮

甲寅夜大星青白光燭地出天桴旁行至雲中沒

己未金山衛報倭有三十餘艘約三千餘人浮海往來

庚申陝西陝州大雨雹傷麥

是月江西大雨水

辛酉設西番領思奔寨行都指揮使司

六月丙子朔江南沛縣淫雨傷稼

丁卯勅鎮守寧夏寧陽侯陳懋曰瓦剌馬哈木已死其衆潰

散故停北征

都督同知蔡福充總兵官指揮莊敬副之率萬人巡山東海


上捕倭

尚寶司丞張信為少卿中書舍人袁忠徹為尚寶司丞

江司按察副使顧佐為應天府尹

夜太白犯諸王東第一星

己巳獲鹿縣大雨雹傷稼



庚午交趾布政司右叅議莫勛率土官來朝進右布政使三

江土知府杜維忠為右叅政

壬申賑山西平陽大同饑民

癸酉賑河南偃師縣災民

乙亥廣東儋州土官同知王賢祐率生黎峒首來朝 上謂

行在禮部曰黎人遠不沾化而貢獻頻繁自今為始其三年

一朝貢著為令

己卯哈烈撒馬兒罕失刺思俺都准等朝貢使還賜鈔幣命

禮部遇所過郡縣宴餞之仍遣中官魯安郎中陳誠賫勅偕

行賜哈烈王沙哈魯及撒馬兒罕等頭目金繒諸物

丁亥故燕府長史壽朱復贈北京行部尚書謚曰忠定

是月直隸遵化玉田灤縣高河等縣雨水傷稼命賑之

七月庚寅朔故鎮撫王忠贈後軍左都督謚恭靖以婦馮氏乳


母也封保聖賢順夫人

癸巳鎮守寧夏寧陽侯陳懋進嘉瓜

山東鄒縣大雨水壞民居傷稼

丙申山東霪化縣驟雨傷稼

丁酉直隸通州順義宛平新鄉樂安等蝗命瘞之



戊戌廣東肇慶知府王伯貞卒伯貞江西泰和人博學工文
洪武中以薦授廣東按察司試僉事巡雷緝盜開寇隼舊州
渠改工部主事尋憂去起後期成安慶上初薦知廣東瓊
州導民向善峒黎歸化者萬有三千餘人襁旱砥學稱嶺南
治行第一又憂去起肇慶未任卒于北京時程鄉知縣晉江
鄭懋中以太學生寬恕廉慎不施鞭朴稱嶺南賢令之最
夜有二大星光青白燭地一自大將軍東南行入外屏一赤
光自壁東南入天倉
辛丑保定侯孟瑛吏部右侍郎師遠作漢邸于山東青州


夜月犯建星

壬寅開封大雨決隄沒田廬

乙巳諭行在兵部尚書方賓同安遠侯柳升選指揮千戶百

戶知兵者任其事否則汰送京師

署錦衣衛都指揮僉事臨邑紀綱有罪伏誅綱雖諸生善騎
射從靖難累官錦衣衛指揮使治詔獄逆鉤人意所向先發
當上旨聲咳無間恃恩驕橫明比罔上與指揮僉事莊敬
等販鹽居食器飾僭上供畜歌童舞女出入迎導詐詔役臨
邑人治第危法中人脅賂及侵盜官物無美氣勢傾中外事



覺下法司獄具磔網敬夷三族指揮袁江千戶王謙李春鎮
撫龐瑛俱論死

設遷曰 文皇帝至嚴明也紀綱起孤日生夜操切陰斂
陽卻攬私蠶尾包藏虺心漁利肆螫至不可勝數者何哉
乘其疑忌威劫天下于是借叢倒柄盡蔽其耳目而不自
覺也非中貴人發之將終固寵于 長陵矣讀其爰書未
嘗不三為之太息也


夜太白犯鎮星
丙午應城伯孫巖初鎮通州擅捷死金吾右衛千戶馬俊被

劾安置交趾

丁未右軍都督僉事趙清平清定遠人性伉直累官後軍都
督僉事建文初鎮守河南彰德 上即位招之語燕使曰殿
下至京城日臣敢不應召及即位 上老之仍命 今未能也
後軍都督僉事致仕子琮授指揮

已酉裁兩京城門郎前年三月設 入平定海口
永平大雨水壞田廬命賑之 彭圖鑑節十八平當齊天下而

辛亥先是蜀王子悅燭逃谷王穗所王詭眾曰建文君尚在
金川之役我出之今居我所我將為大義發有日蜀王椿聞



之大懼使儀賓顧瞻上變先是穗益養死士作舟艦弓弩器械教習失兵戰大創佛寺私度僧千人咒詛縣官與都指揮張成官者吳智典寶劉信暱造圖讖謂十八子當有天下而占之曰我也我乃高皇帝第十八子號成曰師尚父智信曰國老令公隨侍都督張興密言于上上曰穗朕之弟興曰雖然請猶察之上曰吾察之興還曰皇太子南京曰臣所奏皆旦夕急務上猶徐爾即不信急時請得毋隨坐乎及蜀王奏至上曰有是哉立歸悅燔于蜀

癸丑賜書褒蜀王椿加黃金二百白金千鈔四萬玉帶一袞

衣九紵絲線羅紗各五十絨錦十綵絹千疋羅綿十高麗布

百米一千石胡椒一千斤馬十匹

己未夜大星赤光出五車東北行入文昌


是月河南布政司左叅議王徵巡部貪虐皇太子命逮至下

都察院獄

建寧邵武延平廣信饒州衢州金華遠東大雨水溺人畜甚衆分賑之免田租惟河南彰德蝗

八月辛酉朔設吉灘衛女直野人

癸亥設亦馬忽山衛女直野人



甲子夜大星光青赤出雲中行至近濁

乙丑召鎮守陝西豐城侯李彬

刑科都給事中曹潤有罪徙邊

丙寅工部尚書吳中改刑部尚書

己巳常山右護衛指揮使陳智嗣榮昌伯陳賢之子

壬申翰林院脩撰王英王洪為侍講

癸酉旦壽星見群臣請賀止之

翰林院檢討張伯穎為脩撰

戊寅徵谷王穗中官還自谷郎言逆狀也

辛巳刑科給事中山陽丁旺素無行因里賽社誣其妖言見

擢專伺人細悞人畏惡之益貪濫母喪未期起復輒從大祀

被劾戍邊

癸未旌石州學州鳳翔梁準孝行母喪廬墓有烏鵲之祥準

事聞擢均州知州

甲申夜大星光青赤燭地出織女西入天市西垣外有一小星隨之

乙酉設札真衛


丁亥作北京西京宮


九月癸巳夜月犯東咸南第一星

國權

永樂十四年

十





甲申^干浙江左布政使辛彥博卒 彥博山西汾州人監生謹直有通才居官清正以廉能稱

丙申 上聞漢王高煦選各衛軍隨侍勅右軍都督僉事歐

陽青即還原伍

丁酉命捕倭總兵官都督同知蔡福還京

已亥免寧陵縣水災田租

行在行太僕寺卿楊砥言近年馬蕃乞民五丁牧種馬一歲

蠲芻糧之半薊州至山海諸衛屯軍各種馬一歲子粒牛之

上以軍牧悉免焉

辛丑夜二大星一赤光自天苑行至游氣一青白光出勾陳

行入紫微東蕃

癸卯京師地震

甲辰瓦剌順寧王馬哈木賢義王太平等使還勅諭以順逆

丁未夜月犯畢宿

戊申 上疑漢王高煦發北京

遼東苑馬寺卿章邱喬穩卒穩舊燕府審理正

甲寅免江南鹽城縣被水田租

丙辰夜大星光青白出五車行至近濁

十月己未朔夜大星出游氣行至近濁

甲子兵部右侍郎盧淵卒淵江西新建人監生授兵部主事

建文中歷左侍郎坐免上召復之廉慎勤敏賜祭葬

乙丑魯王肇輝來朝上于濟寧時先夕即夢之賜甚厚

壬申上次夾溝祭徐王墓

占城國王占巴的賴入貢上表謝罪

乙亥夜大星光青白出自弧矢東南有二小星隨之

丙子撒馬兒罕土魯番地面回池法忽兒丁等貢馬

丁丑次鳳陽祭皇陵

癸未上至京師

谷王橈粹就徵既至上示以蜀王之奏橈自服

甲申成國公朱勇都察院左都御史劉觀等奏谷王橈罪狀

不可赦上曰橈朕弟楚王楨周王橧蜀王椿遼王柏寧王

權瀋王模其與諸王雜議


十一月戊子朔古里衣哇滿刺加占城蘓門答刺南巫里瓊里

淳泥彭亨錫蘭山木骨都東溜山南渤利不刺哇阿丹麻林

刺撒忽魯謨斯柯枝諸國及舊港等各宣慰司俱入貢

辛丑周王橧以子鎮平王有壙宜陽王有焮來朝已酉還國

壬寅復議營建北京



丙午召交趾總兵官英國公張輔入京

丁未夜大星光燭地出奎旁行入室東

漢府中護衛改青州中護衛

戊申奪漢王左右二護衛調其官軍立保安左右二護衛

十上嫌其不法稍裁之

丁巳楚王楨來朝庚申還國

徙山東山西湖廣二千三百餘戶于保安三年不租

十二月辛酉脩曲阜顏子廟

丁卯遣太監鄭和等同吉里瓜哇等貢使勅賜各國錦綺紗

羅絲絹仍賜柯枝國王可亦里印誥封其鎮國山撰勒碑

壬申歷代名臣奏議書成

命都督冀中馬聚調長沙護衛官軍三千戍遼東二千戍宣

宣府二千戍保安諸衛餘調山東


丙子設永寧衛處遠戍刑徒

已卯免貴州官三年考滿赴京通俟六年從左布政使蔣廷

璣之言

壬午戶科都給事中胡濙為禮部左侍郎

甲申翰林院脩撰沈度為侍講學士中書舍人沈紱為脩撰



是月右軍都督同知高成致仕

[Faint bleed-through text from the reverse side of the page, including characters like '高成致仕', '右軍都督', and '同知']

國權

鹽官設遷孺木著

永樂十五年丁酉

正月戊子朔夜有大星光燭地出天倉行至雲中

庚寅遼王植瀋王模來朝庚子還國


癸巳寧王權來朝三月丙午還國

是月神僧傳九卷成 上序之

甲午 上南郊

乙未永安公主薨 上之長女駙馬都尉袁容尚之

國權 永樂十五年



國家圖書館, NATIONAL CENTRAL LIBRARY, TAIWAN, R.O.C.

壬寅以永安公主薨罷燈宴

癸卯蜀王椿來朝丁未還國厚賜之

四川按察使司石樸有罪下獄死

甲辰楚王楨等謹上議各王楨違棄祖訓陰結惡黨謀不軌

天地所不容 祖宗所不佑臣等誠兄弟謂宜按法誅之惟

大兄皇帝裁門下恩以昭奸示憲于天下 上未即聽

丁未安王楹來朝甲子還國壬子晉王濟橫來朝壬戌還國

總兵官平江伯陳瑄領漕運并提督沿河運木赴北京

二月己未楚世子孟烷來朝

辛酉右軍都督僉事張欽卒欽睢寧人善騎射從靖難輒先

登積功贈新泰伯謚剛勇孫榮襲金吾左衛指揮使同時天

長周長奮勇善戰如欽歷左軍都督僉事贈萊陽伯謚忠毅

壬戌始設雲南順州儒學


癸亥廢谷王穗為庶人勅曰反爾性滅倫自作孽于不靖賴

天地宗社之靈蜀王忠孝發爾陰謀顯暴不可覆諸王群臣

咸求昭討朕隱于懿親削爾王降庶人嗚呼省念哉誅其黨

釋都張興不問

設遷曰周有管蔡漢有淮南下愚不移其性善也穗既獷



戾建文見錄致啟金川之鑰自快私指橫被崇賞習靖難
之已事又無良謀坐亡其國孰為貸之今猶以削藩罪建
文則斗粟尺布之謠獨不可為長陵道耶噫何晁錯之
多而袁絲之少也

逮山西^{左右}布政使周璟張春叅政李冲張璘有罪逮至釋之
丁卯豐城侯李彬為征夷將軍總兵官鎮交趾留兵部尚書

陳洽共事

己巳清福公主薨公主母安妃鄭氏嫁駙馬都尉張麟
浙江左布政使鄧謙有罪謫戍邊

辛未魯王瑋輝來朝乙亥還國

壬申泰寧侯陳珪掌北京繕工事安遠侯柳升成山侯王通
副之給印制視都督府設經歷一都事四

甲戌肅王榘來朝


掌繕工事泰寧侯陳珪成山侯王通兼北京行後軍都督府事
河南左右布政使周文褒王文振俱因事坐罪安置均州

乙亥左春坊左諭德兼翰林院侍講楊士奇為翰林院學士
仍兼左諭德翰林院庶吉士胡啟先為廣西道監察御史

丁丑慶王榘來朝壬午還國

國權

永樂十五年



設八郎安撫司隸四川都司

丙戌置亦東河亦速河二衛女直野人

三月丁亥朔交趾選貢生鄧得等始入太學

己丑興平王尚焯永壽王尚炆來朝

甲午胡榮為光祿寺卿

乙頒四書五經性理大全于六部兩京國子監及各郡縣學

別失八里國王納黑失只罕入貢時女弟將嫁撒馬兒等請

壬市馬治奩遣中官李信指揮丁全等助綺帛各五百疋

辛丙申命天下有司雜犯死罪及徒流以下悉縱還家營資斧

徒作北京自贖

浙江錢塘知縣葉宗行卒宗行華亭人應薦言蘇松水利從

尚書夏原吉治河擢錢塘定役令民自第高下民便之訟庭

簡肅太子少師姚廣孝謂不愧古循吏

丁酉中軍都督同知蔡福以捕倭溺舟師者死謫交趾

己亥光祿寺卿胡榮女冊為皇太孫妃

祥符王有燿新安王有燿永寧王有炆汝陽王有燭來朝


辛丑建洪恩靈濟宮于北京祀南唐徐知證知諤初徐溫事

楊行密養子知證封江王知諤封饒王俱入閩靖群盜閩人

國權

永樂十五年

四



祠之多靈應 上禱輒效故立廟加封

壬寅皇太孫婚

甲辰永興王尚烈來朝

丙午漢王高煦有罪徙居樂安州初高煦封雲南失望不行

曰我何罪處我荒徼已又改青州曰我何罪處我瘠土數離

間皇太子多不法長史程石琮紀善周巽等俱罪謫交趾請

天策為護衛擁軍三千不隸于伍符自詫天策上將唐太宗

之號也侵各公主牧地占民田長史蔡瑛紀善周岐鳳數直

諫怒而附繫之詔獄皇太子不得已降岐鳳長洲教諭縱衛

士行劫兵馬指揮徐野驢執治高煦粹野驢鉄爪搥殺之又

支解無罪人投之江漆草為舟以習水戰造大量收祿米

上怒甚面詰之褫王衣冠繫之西華門數日皇太子力救解

上曰吾為人父不知子耶彼方以秦王世民自與居爾于建


成他日皇太子又言之乃有樂安之命曰是快者必為

變處之樂安朝發夕擒之矣初 上問高煦于塞義不對問

楊士奇曰漢王辭雲南青州之封其心惟 陛下答之

設遷曰高煦以才武佐白溝東昌浦口之門前無衝陣世

民不啻也假開滇南之社又一莊踰滇南非 上之有矣



青州負海擅魚鹽之利沃野千里舉足左右其係匪輕當
時兩辭之以歐于彈丸不可展掉之樂安非天奪其魄乎
雖然預待以吳淩朝發夕擒頗損聖慈何言之忍也相仲
舒于江都師王式于邑昌刮腸洗胃劇切以正即狠戾難
馴庶幾哉不失其道矣

丁未太監海童等使瓦剌還賢義王太平安樂王把秃字羅
貢馬謝罪初拒命皆順寧王馬哈木也

夜大星赤光燭地流雲中
戊申設貴州按察使司


壬子北狩發京仍以胡廣楊榮金幼孜等從
四月丁巳朔次鳳陽祭皇陵

庚申次大店邯鄲人言歲累歉乞鈔幣代賦上矜而蠲之
壬戌次夾溝致祭徐王墓進鎮撫武勳為徐州衛指揮僉事
守其墓

乙丑次利國復命太監海童指揮栢齡等使瓦剌勅勞太平
把秃字羅

已巳次邾城勅行在戶部以軍過踐傷民稼者免其租
已卯恭順伯吳允誠卒允誠韃靼人舊名把都帖木兒永樂

國權 永樂十五年 六



三年同倫都兗灰率五千餘人來涼州賜姓名授右軍都督
僉事六年從北征捕進右都督九年進左都督與中官王
安追叛火脫赤至把力河獲人畜十年封十二年從北征
還仍居涼州卒賜祭葬


何喬遠曰 太祖中原既定貽于孫子 成祖之時四
夷賓服豈徒然哉所以鞭笞招撫有其人焉予于諸公足
以觀之諸公即陳懋韓觀吳允誠金忠陳誠
設邊日明興降胡自納海出外不侯矣世爵始于吳允誠
塔溝來歸由宋晟招致之丹扈鑾輿勞勩不懈跡其終始
則我明之稅侯乎哉

癸未西宮成入承天門曰午門又入曰奉天門東西角門翼
之內奉天殿有殿翼之入則後殿涼殿煖殿及仁壽景福仁
和萬春永壽長春等宮

甲申琉球國中山王思紹山南王他魯每各入貢

五月丙戌朔 上至北京御新殿受朝賀

戊子行在左副都御史李慶兼督營造命行在工部作安樂
營以居病匠太醫院分療之御史錦衣衛官巡視亡歿者歸
其骨



乙未遣官巡視南北河道

丁酉和寧王阿魯台貢馬

己亥左僉都御史劉翥工部左侍郎伏伯安坐事俱降營繕司主事

辛丑許平陽大同人分佃廣平清河真定冀州南宮等縣

丙午禁兵器鬻外國雖勳戚不宥

閏五月丙寅交趾賊阮貞等伏誅

戊辰汀州賊劉勝孫偽稱太平將軍劫清流縣被擒伏誅

癸酉禁僧尼私建庵院

丁丑進士吳實監曾習古趙忠王靜程瑤賈瑄馬駿秦中

汪任銘陶純施斌崔錫楊禮何新為監察御史

戊寅夜大星光燭地出尾宿南行至近濁有二小星隨之

庚辰夜大星自斗入箕


六月丁亥夜大星青白光出陰德行入紫微西蕃外

己丑下近開平命備禦成安侯郭亮嚴兵

丁酉交趾順州黎校潘強及土官同知陳可論判官阮昭主

簿馬緩千戶陳惱百戶陳吾儕靈州判官阮凝左平知縣范

伯高縣丞武萬百戶陳巴律等作亂總兵官豐城侯李彬令



都督朱廣指揮同知黃振等討斬之初亂時交州左衛指揮
同知段公丁陳思齊皆交趾南策州人從王師擒黎季犛平
簡定陳季擴等積功並守順州力戰死
已亥遣勅勞遠使西洋內官張謙等于浙江金鄉衛謙還舟
泊衛海口值倭四千人戕止百六十餘人力戰敗之故指揮
千戶百戶鎮撫軍匠陞賞加等
乙巳真臘入貢
辛亥翰林侍講曾榮為侍讀學士進士徐義侯軌為監察御
史儒士潮陽郭^升張善為翰林檢討張善求仕報繼母張氏故
有是命

夜大星赤光燭地自侯星旁行入貫索

七月乙丑夜月犯斗宿


庚午設四川烏撒軍民府

甲戌許幼官免缺襲職

乙亥賜皇太子務本之訓勅曰朕以教太孫今錄之賜汝復
刺以賜太孫使服膺之

戊寅壽星旦見

夜大星光青白出雲中行至游氣



壬午進士于綱王珣為監察御史

癸未刑科給事中阮鎔有罪誅

八月甲申朔蘓祿東巴國都葛叭塔刺權蘓祿西國麻哈利吒

葛刺麻丁故權蘓祿峒者之妻叭都葛巴刺卜俱各入貢

己丑行在翰林侍講兼左春坊左中允鄒輯侍講王洪主試

順天

琉球中山王入貢

庚寅故行在翰林侍講王英主試出侍講錢塘王洪禮部主

事洪進士授行人遷科給事中有文學改檢討自脩

撰歷侍講頗矜傲嘗訐延平知府胡子祺罪死子廣學士于

實錄引其罪及受命主試復奏之上察子祺實卒于官遂

謫飲洪恨死

辛卯右春坊右贊善梁潛侍講陳全主試應天


夜月掩建星

封蘓祿國東王巴都葛叭答刺西王麻哈刺吒葛刺丁峒王

叭都葛巴刺卜

甲午甌寧人進金丹及方書上曰方士欺秦皇漢武又欺

朕耶令自食其丹毀方書



壬寅勅山東福建等都司備倭

乙巳夜大星光青白出紫微西蕃行至近濁有二小星隨之

戊申遼東廣寧衛進嘉禾

己酉福建沙縣盜陳添保等劫尤溪清流等縣伏誅

浙江按察使周新擒嘉興盜倪弘三等送入京師伏誅

庚戌庚太白星晝見

壬子安王楹薨楹聰敏好學年三十五無子謚曰惠國除洪

熙初韓王封平涼景泰年使襄陵王冲炆奉惠王祀

九月乙卯都指揮谷祥張翥往直隸浙江福建捕海盜

十戊午太監張謙賈勅賜古麻刺朗國王幹刺義亦敦奔

庚申張安嗣安鄉伯

張勇之子

夜熒惑犯左執法

己丑蘓祿國東王巴都葛答以刺歸次德州卒賜祭葬如禮


勅立其子都睿舍

丙寅再定應天江北牧馬例鳳陽廬揚滁和五丁牧馬一應

天太平鎮江十丁牧馬一

丁卯孔子廟成勒碑于石

戊辰允官馬斃及虧駒悉免著為令



夜月食既

己巳庶人允燿卒允燿以懿文太子季子建文中吳封吳王
上改封廣澤王貶庶人

庚午翰林脩撰沈紱為侍讀

己卯秀才凌宴如吳節李文殊陳孟昇孫濬張周琬等為六
科給事中

庚辰夜大星光青白出天苑行至雲中

辛巳命行在工作人疾未痊者護送還家有司善撫治之

十月癸未朔交趾盜楊進江廣等平

乙酉刑部員外郎呂淵等使日本時擒倭多日本人特勅責

日本國王源義持

丙戌夜大星光青白起文昌行至近濁

戊申翰林院典籍鄭叔美為檢討進士楊鑑楊潤嚴繼先為


監察御史

庚戌淳泥入貢

十一月壬戌夜有大赤星自天津西入游氣一小星隨之

甲寅賜朝鮮國王李芳遠加金幣及其妃以勤脩職故也

辛未工部右侍郎蘭芳卒芳夏縣人洪武中舉孝廉授刑部




負外郎永樂初守吉安先是金華朱仲智守吉安仁明廉潔
會改重慶人難其繼及芳至民更大喜嘗坐累謫辦事官從
尚書宋禮治河遷都水主事督浚河南河渠超右侍郎吉安
人思慕賢守輒言朱蘭

壬申金水河太液池水冰結為樓閣龍鳳花卉象賜群臣臨
觀行在禮部尚書呂震請表賀不許勅曰比歲以來卿等遇
祥瑞輒賀朕之涼德夙夜不敢康卿等毋因是而有怠心
癸酉命中外諸司愛郵軍民勸課農桑作興學校平均賦役
敬祀慎刑旌表孝順節義民鰥寡孤獨必存郵之薦舉才德

遺逸之士嚴固邊徼倉庫出納無有侵欺一遵高皇帝之
成憲其官吏貪暴曠職者監察御史按察司具實糾治之
前禮部尚書趙翀改兵部尚書巡督塞北屯戍軍民一切利
病邊務不脩者以實聞初上巡邊顧隆慶保安州屢嘆曰
自二州民內徙至今尚皆荆棘耶因遷內郡人來實命尚書
趙珣經理之珣至分撥田土創居署定市廛導藝種植皆身
自履歷措置有方三四年之間民安賈湊遂為都會之區
戊寅陝西耀州進玄兔

以新安王有熺火者領兵稱王來朝直獵大名行劫勅周王



櫛械入京

辛巳占城入貢

十二月癸未暹羅入貢

是月濬揚州儀真縣河

甲申進士艾廣何卓張宗監生鄭興王佐李昭為吏科給事中
教諭徐初進士蕭奇郭顯監生井田宋徵寇謙田文丁銑
唐勝劉凱為戶科給事中教諭魏凱訓導于會進士周敏學
樊鑑監生張粲劉芾武達馮政馬賓為禮科給事中教諭陳
玘進士黃完劉渙監生王斌張軾周建劉東古節張毓潘麟
為兵科給事中教諭趙信訓導熊義進士劉蓋劉顯監生盧

智劉啟李敏楊鐸張惠張芾王矩武襄為刑科給事中教授

周弘宗訓導顏偉進士李實監生裴祥韓麟為工科給事中

乙酉周王櫛請朝止之

山西行都司都指揮李謙欲領騎巡視大同等處總兵都督


朱榮不許 上勅責朱榮赴京自陳


辛卯右軍都督僉事歐陽青卒青湖廣江陵人以燕山中護

衛百戶從靖難有功歷山西都指揮使永樂三年遷右府後

侍高煦頗驕肆徵至行在卒子能襲羽林前衛指揮使

甲午夜熒惑至房宿





丙申哈烈撒馬罕免諸國遣使入貢方物上表朝賀並偕中

官魯安禮部郎中陳誠等至京師

庚子夜大星光青白燭地出星宿行至游氣一小星隨之

辛丑進士及第出身黃振為浙江道監察御史

癸卯以永和王濟煊擅造龜紐印勅戒諭之夜月犯角宿

丙午置阿真同直衛 女直野人

是月浙江海寧金鄉松門海門昌國定海各衛增置烽堠

國權

鹽官設遷孺木著

永樂十六年戊戌

正月壬子朔 上在北京

癸丑外省文武各官來朝部院及科道臣糾溺職者 上俱

不問勅嚴諭之

甲寅交趾總兵官豐城侯李彬奏清化府俄樂縣土官巡檢

黎利叛遣都督朱廣率兵勦之黎利嘗事陳季擴善戰校計

數為金吾將軍來降授為土官巡檢因人心不大明德故遂

國權

永樂十六年

及行剽郡邑擄掠婦女自稱為平定王弟黎石為右相國段
莽為都督朱廣等擊斬其六百餘級而黎利剽掠如故
丙辰夜大星光白青燭地出翼宿東南流數丈至雲中有數
小星隨之

癸亥謚永興王尚烈曰懿簡


乙丑同州及澄城郃陽朝邑大雨傷穀麥

即蕎麥

丙寅 上以玄兔圖并群臣表頌賜皇太子諭之曰群臣頌
朕心甚愧之夫好直則德廣好諛則過增爾將來有寄不
可不審理于言

夜月掩角宿

己巳前行在太僕寺卿楊砥卒砥字大用山西澤州人洪武
甲戌進士授行人司右司副請罷楊雄進董仲舒從之擢湖
廣左叅議建文時阻李景隆北伐免官 上即位初起鴻臚
寺少卿父守喪廬墓三年起為禮部左侍郎巡河不力敗工
部主事改禮部闕北京馬政進太僕寺卿兼苑馬寺卿稱職
奉母喪哀毀忘食卒一生剛介勤敏其孝尤著特賜祭葬
甲戌興安伯徐亨中軍左都督夏貴領二千騎巡備開平
誅浙江按察使僉事石魯魯巡松門衛適倭寇薄城乘醉遁



城陷 夜有大星赤光出郎位西北行至下台

戊寅陝西布政司左叅政郭敦為行在禮部右侍郎

二月丙戌脩山西大同等衛城堡斥堠

丁亥行在翰林院侍讀學士曾榮侍講王英主試禮闈

癸巳有言隨州棗陽流民不軌 上不聽遣監察御史歐陽

和撫散之

乙未琉球中山王入貢

戊戌永新伯許成卒成江南江都人自燕山中護衛百戶從

靖難功歷左軍都督僉事許譚深趙曦殺梅殷得封

辛丑賜交趾土官都指揮陳汝石千戶多朱蒲祭葬初嘉興

州四忙縣盜殺流官知縣歐陽智等汝石多蒲追討死之汝

石南策人多蒲北江東岸縣人

北京行部禮部郎中秦政學校險好訐至是典科舉舉受賂

伏誅輿論快之政學 進士

戊申吳克忠嗣恭順伯 吳允誠之子

福建龍溪縣丞劉伯翼為工科給事中進士沈福為江西道


監察御史

庚戌別失八里頭目速哥等入貢言其王納黑失只罕為從

國權

永樂十六年

三



弟歪思弒之而自立西徙其國改號亦力把里王 上命速

哥為左都督僉事克刺滿刺為指揮僉事

三月辛亥朔策貢士董璘等天子奉天殿得二百五十人賜李
騏劉江鄧珍等進士及第出身有差

癸丑行在後軍都督陳亨卒亨睢陽縣人起小卒從靖難自
旂手衛指揮使歷都督同知至今官贈成武伯謚忠勇子謙
襲金吾右衛指揮使

癸亥都指揮蘓火耳灰為右軍都督僉事

乙丑夜月食既


丙寅進士周叙董璘楊洪褚思敬尹鳳岐陳詢徐律習嘉言
王賓胡文善周懋昭王暹雷遂莫珪孔友諒秦初為翰林院
庶吉士

夜月犯鈞鈴上星

甲戌太監海童指揮柏齡等還自瓦剌賢義王太平安樂王
把秃字羅及弟昂克并順寧王馬哈木子脫歡各入貢脫歡
請襲爵許之仍海童往封

丙子曲先衛安替迷失三郎襲指揮使


戊寅太子少師姚廣孝卒廣孝江南長洲人年十四薙髮名



道衍字思道相城道士席應真博學諳兵術道衍師之盡得其秘兼善詩詞古文與楊基高啟游僧宗泐薦之命往北京慶壽寺待燕邸二十年建文初陰說上起兵因同世子居守上用其策事平授僧錄司左善世及立皇太子賜名廣孝拜太子少師予冠服賜二宮人弗近也上益重之呼少師不名居蕭寺中上問疾曰業出家矣又何言年八十五贈榮國公謚恭靖又作神道碑比于元劉秉忠養子繼官尚寶司少卿洪熙初加贈少師侑太廟廣孝嘗著道餘錄譏詆宋儒有楊洪與廣孝厚燬其書

王世貞曰劉誠意之事 太祖與姚榮公之佐 太宗俱

焚帷帳勒鼎鐘顧所以報誠意乃不若榮公之豐至傳榮公者寥寥焉豈身諱之而不自明抑史諱之而不有其庸嗟乎首發殺機睚眦就功不娶亡子蹈迷復凶所謂歸儒者不盡而為墨者不終耶又曰廣孝協定大計乃循初服棲心玄門終不得以富貴易之奇士哉雖然于釋則臣道靡也于臣則釋道累也彼王賓者隱人亡論焉蓋愧其姊矣 劉鳳曰時運方遘則異才出焉固不一途哉當高皇帝之時固疑 文皇帝之受命也幾道衍而仁慈佐之



而首定大計開萬世之洪業及成君功謝不居則又加于人一等矣子房學黃老謂有託此其游于方之外自性然豈為富貴哉所著書多不傳若其深詆宋儒必有見哉張洪何者輒焚滅之惜矣

設遷曰 文皇帝平內難雖出入行間其視草昧手闢又懸殊矣假道衍不佐其籌于 文皇帝亦何損而兵謀顧自公發之非世之不祥人耶其策秘不傳大抵占候之學未可與漢之子房明之伯溫並日語也當公貴顯年殆七十桑榆垂盡何論婚宦哉伍被賣淮南而死榮公祚文

皇帝而死成敗異軌其險倖一也

四月癸巳周府儀賓盛瑜藏匿李景隆家人勅周王橚戒之

乙未夜大星赤光出中台西北行至近濁

丁酉太監海童左軍都督僉事蘓火耳都指揮程忠等賈


勅賜太平把禿字羅及昂克脫歡綵幣遣指揮毛哈刺祭故

順寧王馬哈木

丁巳行人呂淵還自日本國王源義持上表謝罪

丁未刑科給事中陳諤為順天府尹

己酉代王桂梅過復其護衛



五月庚戌朔行在戶部尚書夏原吉等上 太祖高皇帝實錄
表曰頒脩史之詔在嗣位之初爰纂成書實錄聖斷謂事貴
直而文貴簡理必明而義必彰乃勅命乎儒臣重編靡乎歲
月云々 上御殿受之令別錄一部貯于古今通集庫
遣中官楊忠等使亦力把里賜其國王歪思綺幣刀甲
設遷曰歪思弒從兄篡立并改其國大無制也律以黎季
犛阿魯台之討勢在不貸即宥以荒遠柰何旅獒未貢遽
勤四牡之節哉 文皇帝好招致殊域舍逆取順顯比之
道或不當如是也

辛未賜監脩總裁纂修實錄官鈔幣有差

蘓門答刺千達里暹羅琉球各入貢

昌平妖人劉化避軍說稱彌勒佛誘亂伏誅


癸丑倭百艘七千餘人攻金山衛城拒卻之

乙卯遼王植奏子遠安王貴燮私遁命跡之時貴燮失父意
欲入京訐其陰事

丙辰勅成山侯王通行視陝西潼關等處曰 高皇帝數命

公侯重臣脩理軍政今西北邊尤急爾宜勉盡厥心

命山東都督指揮衛青李凱以八千人沿海勦倭




瓜哇國西王楊惟西沙入貢歸我流人

丁巳文淵閣大學士兼左春坊大學士胡廣卒廣字光文江西吉安人建文庚辰長進士第一賜名靖授翰林院脩撰至
上復舊名自侍講直文淵閣累官大學士仍兼左春坊大學
士敦厚周慎在 上前未嘗刺人入所應對出不告語公退
閉戶讀書賦詩而已故人無私請終保恩寵時曰漢朝胡廣
號中庸今日中庸又胡公年四十年九贈禮部尚書謚文穆
國朝文臣有謚自姚廣孝及廣始
何喬遠曰楊榮金幼孜胡廣在 成祖左右故具有終始

無畏無憂榮以敏幼孜以慤而廣以從世言 成祖師臨
江學士董倫遣人收城外所畜羊鷲諸物而廣方如廁行
視其家人收緞不能死矣則亦已矣寧收緞時耶抑何與
對策初意相戾也論思被遇之臣不敢不載云爾

庚申行在吏部郎中陳誠為廣東布政司右叅議
行在翰林院庶吉士何賢蔣禮趙鼎陳坤奇曹義鍾英為編
修戴觀王璜王觀潘勤邵暹樊敷石慶黎民為中書舍人
辛酉夜月犯房宿

壬戌隆平侯張信採太嶽太和山數千百莖進之



戊辰復代府長史紀善等官

辛未行在刑部主事李時勉為翰林院侍讀陳敬宗為侍講

六月辛巳雲南金齒潞江長官司進為安撫司

乙酉詔纂脩天下郡縣志行在戶部尚書夏原吉翰林學士

兼右春坊右庶子楊榮翰林學士右春坊右諭德金幼孜

總之仍遣官博採

戊戌夜水星犯軒轅水^大星

戊戌勅交趾總兵官豐城侯李彬曰為將之道在智勇仁信

忠勇則不可犯智則不可惑仁則愛人信則不欺忠則無二

爾撫鎮遠夷正當體之

庚子應城伯孫巖卒巖鳳陽人國初從渡江歷燕山中護衛

正千戶致仕事上守通州城有功封伯追贈侯謚威武

辛丑勅諭遼東總兵官都督劉仁曰倭孽出沒不法其固守


勿輕出戰

癸卯夜大星赤光燭地出自紫微風蕃外行入貫索

乙巳縣丞馬俊為禮科給事中俊洪武中進士任御史

坐事謫縣丞

丁未光祿寺少卿周成鍾永用寺丞王宣于御膳所脩製草



藥被告伏誅

七月辛亥鎮守江南徐州所城伯趙彞有罪宥之

丙辰治漳沱河滋沙二河決隄

庚申夜月犯牛宿

辛酉交趾右布政使莫勛及交州知府杜希望等獻家丁五

百人助營建時大工業有就緒各賜鈔二十錠遣之

乙丑築魏縣河隄

戊辰夜月犯木星

己巳勅諭西陲布政司按察司曰此聞所屬部縣歲累不登

致民流莩又不以聞其咎安在速賑之

靖州盜王忠自稱平定侯攻劫武岡捕誅之

癸酉監生張震為河南監察御史

甲戌翰林侍讀兼右春坊右贊善梁潛司諫周冕以輔導有


闕逮下獄時南北相去遠僉人附漢王高煦讒構百端千戶

陳某虐民取財皇太子謫交趾尋宥之或言陳某不宜宥罪

及梁潛周冕遂殺陳逮潛冕上知梁潛無他會有言周冕

佻達并殺梁潛

丙子朝鮮國王李芳遠奏世子禔驕恣不肖季子禔孝弟力



學可嗣從之

八月戊寅朔故交趾布政司右叅政莫邃戰没子嵩襲右叅政
祿不任

尼八刺國王沙的新葛入貢遣中官鄧城賁勅賜錦綺紗羅
所經罕東靈藏必力士瓦烏思藏野蓋可般卜納等處頭目
皆有賜差

庚辰直隸滄州進白兔

辛巳占城滿刺加入貢方物上表朝賀

癸未遼東總兵官都督劉江請築望海塢石城從之金州衛

金線島西北距衛七十餘里倭所必經之地也洪武初都督

耿忠嘗築堡

丙戌壽星旦見

壬辰禮科給事中馬政有罪謫戍邊

癸巳徐安嗣永康侯

徐忠之子

大丙申光祿寺卿張泌卒泌安徽潁州人洪武中監生授兵科
給事中再遷光祿二十餘年勤慎不懈嘗與并泉發中官陰
事上再賜免死詔至是遣祭同時寺丞黃縣仲謙才如汝
泌亦卒後人不逮也

